

# بين الجسد والروح

الاستاذ الشاعر / حاتم عبد الرادى

بـيـنـفـي اـصـاـئـل صـدـه النـحـه

سديوان المسواضع

مروۃ الصغیر

ديوان العامة المصرية  
١٩٧٠ ٧٠١ ٤٦٠٨  
٠٧٢ ٢٠٧٠ ٠١

مروۃ عبد السيد الصعیدی

•• بين الجسد و الروح

•• ديوان بالعامية المصرية

•• الطبعة الأولى ٢٠٠٧

•• تصميم الغلاف و الرسوم الداخلية : مروة عبد السيد الصعيدى

•• التنسيق و الإعداد : محمود بندقى

## الإهداء

إلي كل من ألهمني حرفاً  
إلي كل من علمني أن أحبو في دروب الشعر  
إلي كل حبة رمل في أرض مصر  
وإلي كل روح تأنه في دروب الشوق

مروه عبد السيد الصعيدي

## على سبيل التقديم

عزيزي القارئ

أنا بين يديك أنشودة

ينقصها الوتر

لتعزفني بالقراءة

توقيع

بين الجسد والروح

---

بين الجسد والروح - أشعار بالعامية المصرية - مروه عبد السيد الصعيدي





مروالہ جی

## جوه التابوت

مرايات غرامي ما بتشوفكش

أصلك لا يمكن تنعكس

و الشمس ضوءها يساوي موت

من كتر ما بتحبس خيالك

ف التابوت

عايز تعيش من غير مدى



مايفوتش عمرڪ

و الدنيا بس عليك تفوت

لكن حرام

تسرق نهار الفرحانيين .. و الناس نيام

اعشق لياليڪ انما

ما يكونش عمرڪ فرحته

قايم على حساب المشاعر

و بلاش شبابڪ صحوته

تبقى ف مقابل دبح سرايين الغرام

---



آخر كلام

حابتد و اسىبلك دنيتك

و اهرب ف سراديب الهوى

يمكن اقابل منقذى

و اياك تفكر ان انا خارجه بسلام

أنا قلبى مجروح انما

مجروح بمخلب من مخالب قسوتك

مش م النياب

بس أوعدك ☹

لو شمس فجر جديد حتطلع تحرقك

---

ح اسبقها و ح انول الشرف

ح اغرس ف قلبك خنجري

و اغرس ف قلبي خنجرك

علشان ما اكونش ف يوم وباء

و ما اعيش زيك يوم كده

مصااص دماء !

!

٢٠٠٥/٥/٢٠



## شجرة التوت

عارفه ؟!

عارفه ليه مش قادر اشكي

عيني ليه مش عايزه تحكي



روحي تايهه بره مني  
فكري ليه سارح تملي ؟  
إبتديت احلم يا أمي  
بس أحلامي الكبيره  
شارده ويا الطير تهاجر  
موجه رايحه ف بحر غادر  
رافضه تبقى زي ضلي

حتى صرخاتي العتيه  
كسرت فيا الضلوع  
نفسها تخرج يا أمي  
حتى تتسرب دموع  
بس عيني كمان بترفض  
تبقى رمز الضعف في  
حتى كلماتي البرينه

عايزه تبقى سجين ف ورقي

شمس مش بتدوس ف شرقي

خايفه مني عليكي يامه

حزني بتشكل ملامحك

ضعفي ينزف منه جرحك

ألمي يبقى اتنين يا أُمي

عارفه



بين الجسد والروح - أشعار بالعامية المصرية - مروه عبد السيد الصعيدي

شجرة التوت القويه

رافضه تبقي خيوط رقيقه

حالفه لتصدر ورقها درع يحمي الروح

حالفه لينبت ف جوفها غنوه تمحي النوح

لجل ما تشوفكيش ف ضيقه أو بتبكي

لجل ما تزلزلش قلبك

أو تشوفك زي طير مدبوح

خافه من إعمار مشاعرك  
يجرف الخضره اللي طاله من عنكي  
و بادكي  
التقني أسير لهمك قبل همي  
شوفتي ليه باكتب يا أمي !

٢٠٠٥/٣/٤



## بـوح

من سراديب الأمل اتسلل

اليأس وتَبَّتْ جوايا

أمر القوه ف عيني تسلم

للضعف و ترفعه الرايه

لجل ما تنزل دمه يَهْوَن

ع القلب و تمحيلي أسايا !

\* \* \*

و اما اتسرقت مني سنين

صرخت فيا الروح العاجزه

إني اتحمل اكون اتنين



بين الجسد والروح - أشعار بالعاميه المصريه - مروه عبد السيد الصعيدي

ح ابقى لإمتى الصخره الصلبه

و ابقى ف نفس الوقت البلسم

اللي يطيب جرح الغير ؟

حتى ان كان قلبي بيتألم

عمر الضعف ما كان مسموح

المفروض الجرح يعلم

كان ممنوع الآهه تدوي

بره جدار القلب و تعرف معنى البوح

و ان الصبر يغلف عمري

مرر حتى حلاوه الروح !

حبل وصايا الجده اتشد

خنق العاطفه

بقى جوايا منين ما بروح :

إوعي الدمعه



بين الجسد والروح – أشعار بالعاميه المصريه – مروه عبد السيد الصعيدي

تلقى لنين عنيكي طريق

وقت الأزمه

تتجردي من نون النسوه

خلي القلب تملي جرئ

بس لإمتى ؟

أنا من حقي

أعلن ضعفي



بين الجسد والروح - أشعار بالعاميه المصريه - مروه عبد السيد الصعيدي

و املا بحور الكون من دمعي

و اصرخ اقول الآه تسمعني

آخر حته ف آخر الكون

أنا من حقي

زي ما ربي خلقتني أكون

٢٠٠٦/٩/١٥



بين الجسد والروح – أشعار بالعامية المصرية – مروه عبد السيد الصعيدي

## أحلام يقظه

و ابتديت اكتب سطور

تحكي حدوة سنين

يسمع الناي الحزين

بس .. مين

يبني سور !

يحجب العمر اللي فات

يقتل ف قلبي الذكريات

لجل اعيش حتى الممات

يوم أمل و يوم سرور

وأنا مهما تغلبني الهموم



بين الجسد والروح - أشعار بالعامية المصرية - مروه عبد السيد الصعيدي



لسه بحلم ييجي يوم  
بالأمل يمحي الغيوم  
و الشجر يطرح نجوم  
أبتدي أقطفها نور  
بيه انورّ ألف سكه  
تتولد م الدمعه ضحكه  
فجاه افوق ألقاني ماسكه



---

بين الجسد والروح - أشعار بالعاميه المصريه - مروه عبد السيد الصعيدي

الورق ويّ القلم

و الورقه بيضا

و القلم مكسور

٢٠٠٤/٧/٧

## بحر القدر

من بين إدين الزمن

تتسرب الأيام

تسقط سنين العمر

---

بين الجسد والروح - أشعار بالعامية المصرية - مروء عبد السيد الصعيدي

على أرض بور ميتة

يرونها دمع العين

تطرح لكين في القلب

بركان من الأوهام

و ف قلب بحر القدر

دايبه المصاير دوب

موعوده فيه لحلام

صبحت إدين البشر

ويَا الزمن و القدر  
جادلين حبال مشنقه  
و لوحك المتهم  
طبلية المشنقه  
مقفوله و مزرجه  
تتمنى لو تتفتح  
علشان تعيش إنسان

٢٠٠٥/١٠/٢٢

---

بين الجسد والروح - أشعار بالعاميه المصريه - مروه عبد السيد الصعيدي

بين الجسد والروح - أشعار بالعامية المصرية - مروه عبد السيد الصعيدي

## أنين

ح اعتزل كل الحياه

و اندفن وسط الورق

دمعتي طوق النجاه

مستحيل يوم نفترق  
تروي عمري ألقى آه  
جوه قلبي بتتحرق  
روحي تدعي للإله  
ييجي نوره يخترق  
قلبي و ينسيه هواه  
ينسى عمره اللي اتسرق



نفسى أصرخ ألف آه

نفسى أغرق فى الغرق

زهري ليه تايه نداه

عودي خالي م الورق

حتى جفني النوم جفاه

حتى إحساسى اتشقق

و ان حلم قلبي بدواه

يلقى حلمه بيتخفق



بين الجسد والروح - أشعار بالعامية المصريه - مروه عبد السيد الصعيدي

## حاستنى الصُدف

أنا حاستنى الصُدف

لَمَّا تَجَمَّعْنَا

من غير صُدف بِيَكُون

الكون بلا معنى

في البُعد ننده بعض

الدنيا تسمعنا

و انا حاستنى الصُدف

لَمَّا تجمعا

\* \* \*

خليك حبيبي هناك



بين الجسد والروح - أشعار بالعامية المصرية - مروه عبد السيد الصعيدي

لو ناسي مش ناسياك  
مشغول .. حياتي فداك  
و ف يوم ح نتقابل  
و الآه تودعنا  
و انا حاستنى الصُدف  
لما تجمعا

\* \* \*

لو ليل بعادك طال  
ح اسهر و اغنيك  
غنوه و كام موال  
ألقي مواويلك  
بتغني مواويلي  
و الليل بيسمعنا  
و انا حاستني الصدف

لَمَّا تَجْمَعُنَا

\* \* \*

و ف كل صُدْفَه حياه

نحياها وحدينا

تنزل نجوم الليل

وياها ترفعنا

يحضنا ضي القمر

و نعيش لبعضينا

و لا حد يمنعنا

و انا حاستنى الصدف

لما تجمّعنا

٢٠٠٤/٩/٢٥



بين الجسد والروح - أشعار بالعامية المصريه - مروه عبد السيد الصعيدي



## استنصال

كَمَلْ جَمِيكَ وَ افْتَكِرْ

لِلْقَلْبِ لِحْظَهُ مِ الْوَدَادِ

خَلِيهِ يَسَلِّمْ لِلْقَدَرِ

وَ اِنْ كَانَ ضَرُورِي لِلطَّبِيبِ

يقطع ف أوتار الهوى

يفضل ف قلبي لك رجاء

عملية استئصال غرامك م الفؤاد

ما تكونش أطول من زمن لمح البصر

بس اوعى تنسى رحمه بالقلب البريء

نظرة مخدر قبل أيام الفراق

و كمان رجاء

خَلَّى سلاح الهجر لحظة شق القلب حامي

و اغرز صوابع قسوتك

و اخلع جدور الحب م القلب اللي دامي

حاسب لتتسى تكوي شريان الغرام

علشان ما ينبت يوم لحبك حب

على طول الزمان

إقفل خلاص الجرح



بين الجسد والروح - أشعار بالعامية المصرية - مروه عبد السيد الصعيدي

نسّيني اللي فات  
و لا يوم خيالك ينشغل  
من إني أشعر بالألم  
حاحد مُسكّن من شريط الذكريات  
على بال ما جرحي يلتئم  
ده كفايه ع القلب ف حياته كلها  
عملية استئصال غرام

٢٠٠٧/١/١٣



بين الجسد والروح - أشعار بالعامية المصرية - مروه عبد السيد الصعيدي

## كـريـزه

حط الكرسي على الترابيزه

كل بشمالك

قول ع العشره جنيه دي بريزه

و البس توب الجراه و عاكس

طنط عزيزه

سبب ولادك

بسم أبوهم

طاطي الراس

إوعى تقول النفس عزيزه

و ان حسيت انك متضايق

إعزم صاحبك



شغل فيديو كليب مكشوف

رقص بنتك

خلي مراتك تخدم صاحبك

تفتح بابها لأي ضيوف

إعمل كل ما حرّم ربك

و ارجع تاني قول دي غريزه

و ان ضاقت أكثر ف عيونك

إرمي ولادك

ويَا مراتك

ما تفكرش ف أي ظروف

سيبهم للشارع يحميهم

تحت خيام الضله الحاميه

و ينسيهم

إن أبوهم

مات بكريزه

٢٠٠٥/٣/٣٠

---

٥٠

بين الجسد والروح - أشعار بالعاميه المصريه - مروه عبد السيد الصعيدي

## الرغيف السُخن

نايمين بنحلم بالرغيف السُخن

بنبوس أيادي ف حلمنا

مع إننا

على قطعها في الأصل مش قادرين

متعطيين

و لحافنا كَش مع الزمن

تتمدد الرجلين

تكشف وراها مرارة الأحلام

و برودة الأحاسيس بتقرص في القلوب

نكمش بسرعه ف نفسنا

و نغطي روحنا بجلدنا  
و نخبي روسنا في التراب  
نرجع نكمل حلم نايم من سنين  
كوابيس حقايق نفسنا بتهاجم الأحلام  
مرعوبه جوانا المشاعر تنتفض  
و عيوننا فجأه بتتفتح  
و بسرعه نغسل وشنا

و نروح نقابل الزوار

نحكيهم الأحلام و يحكوا حلمهم

أتاريننا كنازيهم

نايمين بنحلم بالرغيف السخن



بين الجسد والروح - أشعار بالعامية المصرية - مروه عبد السيد الصعيدي

## بذرة شوق

ما بين الكبرياء و الضعف

كتمت ف قلبي أناتي

زرعت ف قلبي بذرة شوق

---

٥٥

بين الجسد والروح - أشعار بالعامية المصرية - مروه عبد السيد الصعيدي

رواها الدمع جوايا

لقيتها نابته بتقرّع

فروع بتطل من عيني

و تتفتح زهور الشوق مع البسمه

و فرع جديد بيتحكم ف خطواتي

ف إيدي غصن و منور

يهدد إيده ف سلامي



على فرشته من النوار  
لكن فجأه تقيد النار  
ف قلب الكبرياء و يفوق  
يقطف زهري و النوار  
يقطع فيا شجر الشوق  
يقولي الضعف مش موجود  
لازم قلبك يشيل راسك

تكون مرفوعه دائماً فوق

أناجي الدمع و أتوسل

يجيني يوم يونسني

ألاقي الدمع ف عيوني

ببيكي حزين

لأنه سجين

و جفني هو سجانه

لإن الكبرياء حاكم

و من ضعفي

ألقي الدمع من ثاني

بيفتح مجرى جوايا

و يروي كل بذرة شوق

بين الجسد والروح - أشعار بالعامية المصرية - مروه عبد السيد الصعيدي

**إنـت مين ؟**

شيطان و حالف تنتصر

و بتنتحل دور الملاك

شاهر سلاح البسمه ف وشوش البشر

و الدرع كان نظرة خجل

علشان تزيد المعجبين ؟

\* \* \*

و اللا ملاك اللي انتحر

من كتر ما بتقسي القلوب

و رفضت تخضع للقدر

و تعيش معاها يوم حزين؟

قولي انت مين؟

\* \* \*

مصدوم و تايه ف الهوى

آدي الهوى

مليان حكاوي مجروحين

لو كنت محتاج الدوا

إياك و ظلم الأبرياء



بين الجسد والروح - أشعار بالعامية المصرية - مروه عبد السيد الصعيدي

ترياقك المنشود ف قلب الكدابين

و ان كنت محتاج الدفا

دور تلاقي كتير قلوب

للحب زيك مشتاقين

بس انت مين ؟

٢٠٠٥/٨/١٥



**بتحبني**

**تبعد تقرب بتحبني**

**شرق و غرب بتحبني .. بتحبني**

**إهرب بعيونك من عيني**

اهجر ح تلف و ح تجيني

لو حتى تحاول تجافيني

و تصدني

بتحبي

تبعد تقرب بتحبي

شرق و غرب بتحبي

بتحاول تنسى اللي ما بيئا



بين الجسد والروح - أشعار بالعامية المصرية - مروه عبد السيد الصعدي

و تنام و بتحلم بالجنيه

و ليالي الفرح و بالحنه

و بتعند لسه و تردني

بتحبي

تبعد تقرب بتحبي

شرق و غرب بتحبي

بتحبي

٢٠٠٥/٩/٢٠

بين الجسد والروح - أشعار بالعامية المصرية - مروء عبد السيد الصعيدي

## أسير التوهم

قريت الطالع المجهول

فتحت كتاب مع المنديل

لعلى ألقا نبض شروق

ينور عمرى و يدبّل  
سنين اليأس و الحرمان  
و يطرح جنه تتبسم  
لكنه خيال  
و إيه يعمل  
أسير التوّه و الأحزان  
غير انه بالنصيب يقبل

لأنه لو ف مره يقول

بأنه ح يعكس الآيه

ح يلقا ف ضهره سلايه

و يحضن عمره حُضن الموت

يجف الصوت

و صوت الناس بيتردد

ده يستاهل



بين الجسد والروح ... أشعار بالعاميه المصريه - مروه عبد السيد الصعيدي

ده يستاهل

لأنه كان

عبيط و اهل

٢٠٠٧/٥/١٥



## كان فيه ف يوم

كان فيه ف يوم شابه

كانت تقول مرتاحه

لا انا عاشقه و لا حابه

بايته ف هنا و راحه  
و لا م الزمان طالبه  
غير الهدوء و الصبر  
ويا الأمان و الستر  
و اللمه و الفرحة  
قالت ح اعيش دنيتي  
و اغزل خيوط ضحكتي

و اهدي الزمان حبه

يزرعها و ارويها

و احضنها و اراعها

تصبح ف يوم طرّاحه

أحصدها ميت حبه

عدّى الزمان عدّى

مره الهوى هدى

داعب وتر ف القلب

رق الوتر للحب

قالت أعيش حبه

و أقسم أنا و الحبيب

مع بعض تفاحه

و نعيش أنا و هو

ف جزيره أو واحه

بس الزمن غدار  
يكوي القلوب بالنار  
كان الحبيب غدار  
وف قلبها خبا  
خبا المرار و الجرح  
ولّى أوان الفرح  
شباب الزمان جواها

ما بقتش ليه شابه  
ولا حاسه بالراحه ؟

٢٠٠٤/٨/٢٧

## صدى صوتي

ناديت له كثير بعلو الصوت

لقيت صوتي هرب مني

نقشت بهمسي ع النسمه رساله شوق

لقيت النسمه راجعه لي

بنفس رسالة الأشواق

و رفرف ف السما عصفور

فرحت و قلت ح يغني

سمعت ف حسه صوت الموت

رقد علي طرف فستاتي

ينام ليلي

و انا للفارس استنى



بأقيدله ليلاتي شمعايه  
دموع الشمعه تتدلق على الفستان  
و ترسم شطنا الهادي بايد بكره  
و من صوت الأذان القاه  
ياخدني فارس الفرسان  
يتوَجني بغصن زتون  
و يبقى لقصتي عنوان  
بلسعة دمه على كفي

أشوف الفجر من ثاني  
بيحلم لسه بالألوان  
و بيدور على العنوان  
يتوه ف مفارق السكه  
و ابص القاني باستنى  
و فستاني الطويل لخضر

صبح بهتان

٢٠٠٥

## إبعد عني

إبعد عني و ما تسألش    إبعد عني و لا تحلمش  
إني ف يوم ارجع لك تاني    ما تكفيش كلمة معليش  
أسفه يا مالك عمري و قلبي

كنت اديلك وقتي و حبي  
و اكنم جرحي ف قلبي و اخبي  
و انت بتجرح ما بتتعيش

\* \* \*

إبعد عني و ما تسألش إبعد عني و لا تحلمش  
إني ف يوم ارجع لك تاني ما تكفيش كلمة معليش  
مش ح اسمح لك تاني ياغالي

تبعدي و تقولي تعالي  
فاكر نفسك فوق ف العالي

ما بتنزّلش

\* \* \*

إبعد عني و ما تسألش إبعد عني و لا تحلمش  
إني ف يوم ارجع لك تاني ما تكفيش كلمة معلّش

٢٠٠٥/٩/٢٠

بين الجسد والروح - أشعار بالعامية المصرية - مروه عبد السيد الصعيدي

## من قولة لأ

من قولة لأ

المغروسه ف شق الجرح اللي بيوسع

ف جدار القلب

لَمَّا بَيَّرَ فَضَّ أَنَّهُ يَحِبُّ

نَصَرَخَ

بَسَّ الصَّرْخَةَ لَجْوَةً لِحَدِّ يَحْسُ

إِنَّ الْقَلْبَ دَهْ فِيهِ النِّبْضُ

يَهْمَسُ هَمْسَ

خَوْفٍ مِنْ عَالَمٍ مَا اتَّعَوَّدُشْ

إِنَّهُ يَحِبُّ !



من قولة لأ

تنزف فينا الروح م الوحده

تنزف صبر

حتى دواها أصل المر

أصل الدوا م الداء أحياناً

يصبح حل

لما يكون الدوا من عالم ما اتعلمش

كلمة حُرّ!



بين الجسد والروح - أشعار بالعاميه المصريه - مروه عبد السيد الصعيدي

## ما انتاش نهار

ما انتاش نهار

و ما انيش ف ليك نجمه يحلالها السهر

أنا فجر طارح من نِدا يصحى الديار

نقطة ندى .. بتطري على قلب الشجر

و البسمه ف عيون الولاد

شوق اللى راجع يترمى ف حضن الوطن

فرح الصحارى العطشانين

بالضله و نزول المطر

يحضن شقوق الصبر .. يخضّر البوار

و يؤون أوان الطرح من بعد السهر

إحلم ..

إحلم ما تحلم مش حتجنى طرحها من غير تعب

قصرت على نفسك طريق

ضللتها ..

فغرست شوك الحزن .. جرح قلبها

و حاولت تقطف زهرها قبل الأوان

كان ودها .. تهديك سنابل فرحها

غاب الأمان ..

و معادش ينفع لِنْتَظار

رغم الدموع ...

ماانتاش نهاية عُمر أو شمس النهار

٢٠٠٧/٥/١٦



بين الجسد والروح - أشعار بالعامية المصرية - مروه عبد السيد الصعيدي

بين الجسد والروح - أشعار بالعامية المصرية - مروه عبد السيد الصعيدي





## عصافير جنتك

بحلف بعصافير جنتك

اللي كانت زقزقتها

غنوه للأحباب

تَوْنَسْ وَحَدَّتْكَ

رَسَمَتْ بِرِيشِهَا

أَجْمَلَ اللَّوْحَاتِ

تَلَوْنَ دَنِيَّتَكَ

عَشَقْتَ هَوَاكَ

مَعَ رَقَّتِكَ

مَ الْفَرَحَ بِيكَ

حببت تحلّق ف السما

لقيت سماها ازاز

وقعت ف بحر من الجراح

اتبدل التغريد نواح

والريش كساه لون السواد

من قسوتك

بحلف بعصافير جنتك



بين الجسد والروح – أشعار بالعامية المصرية – مروه عبد السيد الصعيدى

لاخذ بتارهم كلهم

و اقتل ف قلبك فرحتك

و نشوف ف عينك دلهم

تفضل تآسي وحدتك

تتمنى أيام الهوى

ترجع تنور دنيتك

دوق الهوان ويا الضنى



بين الجسد والروح - أشعار بالعامية المصرية - مروه عبد السيد الصعيدي

ولا حد ح يقيد شمعتك

ولا حد ح يقيد شمعتك

٢٠٠٤



بين الجسد والروح - أشعار بالعامية المصرية - مروه عبد السيد الصعيدي

بين الجسد والروح - أشعار بالعامية المصريه - مروه عبد السيد الصعيدي

ظاهره

إتزلزل التكوين

خلاني متقسم

جرّبت اضمّ الشق



بين الجسد والروح – أشعار بالعامية المصرية – مروه عبد السيد الصعيدي

الخطوه ما جابتنيش  
و وقعت وسط الشرخ  
بين الجسد و الروح  
في محاوله للإنقاذ  
هلّت توابع غدر  
هزّت جدار الروح  
و ف لحظه ضاق الشق

---

بين الجسد والروح - أشعار بالعاميه المصريه - مروه عبد السيد الصعيدي



كسّر عضام لحّلام

لكن ف لمعة برق

قامت نيران الغضب

خرجت حمم ألوان

إسود و أحمر و أنا

أنا تامن الألوان

لكني مش للمطر

تابع و لا لإنسان  
و اللي يشوف قسوتي  
متضفـره ف حـرقـتي  
يسأل عن اللي كان  
مخـنوق ف قلب الشَّق  
يرجع يعيد النظر  
للصوره و جواز السفر

و يشوف بعينه هويتي

إن كنت أنا من الحمم

و اللا أنا البركان؟!

٢٠٠٥/٤/٢٧

بين الجسد والروح - أشعار بالعامية المصرية - مروء عبد السيد الصعيدي

## نجمايه

نورك قليل

زغل عيونك لما هل بطلته

فكراه أصيل

---

١٠٩

بين الجسد والروح – أشعار بالعاميه المصريه – مروه عبد السيد الصعيدي

بیشع نوره من منابع مُهجتّه

و مكانش همه في الوجود

غير إنه تكمل دايرته ؟!

والمستحيل لو يعشقك

لو يوم يحب .. يحب شمس تنوره

مش نجمه نورها جنب نوره بينطفي

فبلاش تحبي و تضعفي

خليكي أقوى مِ القدر

أصل القمر

ممکن يقسم طلته

أما انتِ تهدي و توصفي

يا نجمه دائماً كنتِ للمحتار دليل

هدفك نبيل

خلاكِ أعلى مِ القمر



بين الجسد والروح - أشعار بالعامية المصرية - مروه عبد السيد الصعيدي

فمتنزلش و لا تعطفي

ما تضيعش نورك هدر

ف البعد عنه تنوري

ف القرب منه تختفي

٢٠٠٧/١/١



فايتنى حين ؟

و من غيرك ح اعيش ازاي ؟

و مين بعدك

ح اكمل جنبه عمري الجاي

و أسند ضهري على حيطه

و ابص لبكره من شباكه و اتطلع ؟

و مين في الضلمه يحضني

يطمني ؟

يعلمني الألف و الباء

و قبل علامي للكلمه

أكون عاشق لها و مشتاق !

\* \* \*

---

١١٤

---

بين الجسد والروح - أشعار بالعاميه المصريه - مروه عبد السيد الصعيدي

لقتني للضنا صاحب  
ونيسي ف دنيتي الوحده  
و قلبي م الجسد مخلوع  
دواه حنيه و موده  
و فين يلقاه ؟  
مدام البسمه هربانه  
و زهر الحب جف نداه

كاسات الذل مليانه

و قبل ما يفضا من ذلي

ألاقي ألف مين يملاه

\* \* \*

فايتني لمين ؟

لشمس نهار

بتحيي بنورها كل الكون

---

١١٦

بين الجسد والروح - أشعار بالعامية المصرية - مروه عبد السيد الصعيدي

و تهديني لهيب النار !

للليل سهران

بيقسمنى على الغربه

وحيد زبي بلا صحبه

وبيحائل قمر هربان !

و لو يمتد بيّا العمر

و يبقالي ف حلمي خليل

أحقق حلمي قولّي ازاي ؟

و مين يرضا

أكون حاكم و انا المحكوم

أكون الراعى و يكون لي ف سمايا نجوم ؟

و كل الدنيا ناسياني

ترن الكلمه ف وداني

تخلّي عمري كله جحيم



بين الجسد والروح - أشعار بالعاميه المصريه - مروه عبد السيد الصعيدي

أعود لُونيسي من تاني

و باهجر دنيا رفضاني

لإني يتيم

بين الجسد والروح - أشعار بالعامية المصرية - مروه عبد السيد الصعيدي



## اغتراب

بصيت لنفسي ف المراه

فتشت عني ما لفتنيش

أتاريني روعي اتغربت

عن نفسي عن كل الوجود  
حسيت ساعتها بانكسار  
من وحدة القلب الحزين  
ومشيت أدور ف الفراغ  
عن لمسة الود اللي مخلوط بالدفا  
يمكن أقابل ضحكتي  
لكن خطاوي الود تاهت ف السكك

حتى ينابيع المحبه  
مسكينه جفت ف القلوب  
ما بقتش شايفه غير حجر  
مرصوص على هيئة بشر  
والبرد نايم ع الشفايف  
و بيرسم الضحكات مطر  
تنزل على جسمي البليد

تحفر لقلبي اللي انكسر  
والبرق يلمع ف السما  
يبعث لي موجات كهربا  
و يصحي قلب ف غفلته  
آل يعني قلبي ف يوم نسي  
إن الحبيب تايه ف رحلة غربته  
من يوم غيابه باحتضر

والشوق قدر

يرسم لي دايرة غربتي

علشان اعيش نفس الشعور

مع إنه غايب عن ديارى و دنيتي

و لا أرضه أرضي

و السما

ما بقتش حاسه إنها ليا الحمى

دي عنيه سمايا و ضحكته هي البيوت

و انا في انتظاره بابتهل

يمكن يعود

و القلب ينعم بالدفأ

و يعود معاه كل الوجود

٢٠٠٥/٥/٣١

## وباحلم أكون

ناداني العشق

حييتك

و باحلم لو أكون بيتك

و لو تتحقق الأحلام

ح اكون أمك

و اكون أهك

و اكون النبض لو ينبض

بشوق قلبك

أكون دمك

و لو مشغول ف يوم فكرك



حاكون عقلك

و لا عمري

أهاب كبرك

أنا صخره

و قلبي من حنائك داب

أنا قادره

على الماضي .. أغطي و أقفل الأبواب



بين الجسد والروح - أشعار بالعاميه المصريه - مروه عبد السيد الصعيدي

عشان تنسى

و لو تحلم

أكون الحلم يتحقق

أكون الحق

أكون الصدق لو تنطق

و لما يطول عليك الليل

أكون فجرك

---

بين الجسد والروح - أشعار بالعامية المصرية - مروه عبد السيد الصعيدي

أجيك عصفوره بتزقزق

يفوت العمر ف عيونك

لأني عمري من حبك

أنا بحلم

تكون مني

أكون منك

تكون روحي

أكون عمرك

تكون كُلى

و أكون كُلك ...

٢٠٠٧/٢/٢

## تعريف بالشاعرة

- \* مروة عبد السيد محمد الصعيدى .
- \* مواليد محافظة البحيرة و نشأت بها .
- \* عضو نادى أدب قصر ثقافة السويس .
- \* عضو رابطة الزجالين و كتاب الأغانى بالسويس .
- \* سجلت مرات عديدة بالإذاعة و التلفزيون .
- \* نشرت لها العديد من الأعمال فى الجرائد و المجلات .



بين الجسد والروح – أشعار بالعامية المصرية – مروه عبد السيد الصعيدى

إهداء .....	٣
تقديم .....	٤
جوه التابوت .....	٦
شجرة التوت .....	١١
بوح .....	١٧
أحلام يقظه .....	٢٣
بحر القدر .....	٢٧
أنين .....	٣١
ح استنى الصدف .....	٣٥
استنصال .....	٤٢
كريزه .....	٤٧
الرغيف السخن .....	٥١
بذرة شوق .....	٥٥
إنت مين .....	٦١
بتحبني .....	٦٥
أسير التوهه .....	٦٩
كان فيه في يوم .....	٧٣

٧٩	صدي صوتي
٨٣	إبعد عني
٨٧	من قولة لأ
٩١	ما انتاش نهار
٩٦	عصافير جنتك
١٠٣	ظاهره
١٠٩	نجمايه
١١٣	فايتنى لمين ؟
١٢١	اغتراب
١٢٧	و بحلم أكون
١٣٣	تعريف بالشاعرة

رقم الإيداع بدار الكتب

١١٧٨٩ ٢٠٠٠

دار الإسلام للطباعة و النشر

---

١٣٦

بين الجسد والروح - أشعار بالعامية المصرية - مروه عبد السيد الصعيدي